



Notat

Dato: 23.05.2018
Arkivsak: 2018/11222-1
Saksbehandlar: oydzien

Til: Utval for opplæring og helse

Frå: Fylkesrådmannen

Svar på spørsmål vedk. reisetidsgaranti

Fylkesrådmannen viser til følgjande spørsmål frå Emil Gadolin i møte i OPHE 15.05.18:

:
«Ber om at administrasjonen kommer tilbake til utvalget til førstkommande møte juni 2018 med en avklaring på hvordan den nyinnførte reisetidsgarantien blir tolket og praktisert av administrasjonen. Denne bestillingen skal også belyse hvordan administrasjonen har gjort informasjon om reisetidsgarantien kjent for ungdommer i målgruppen, ungdomskolene og andre relevante grupper og instanser.»

I «Søklarhandboka 2018», som blir sendt heim til alle elevar i 10.klasse v/føresette, til alle elevar i Vg1 og til ungdom som i inneverande skuleår ikkje er registrerte i vidaregåande opplæring, er det gitt generell informasjon i kapitlet «Søklar med lang reiseveg» i retningslinjene for «Skjønsmessig vurdering av søknaden».

Teksten i 2018-utgåva er slik:

«Dette punktet var nytt i 2017. Søklar til vidaregåande skular skal ikkje ha urimeleg lang reiseveg/kvar veg med offentleg transport. Dersom du ikkje sjølv søker deg til ein annan skule, kan du søkje om skjønsmessig vurdering pr. 15.juni slik at du får plass på eitt av tre utdanningsprogram på næraste skule. Med urimeleg lang reiseveg tek ein utgangspunkt i ein time kvar veg og låg rutefrekvens med offentleg transport, eventuelt at du må flytte på hybel dersom ynskje om næraste skule ikkje blir innfridd».

Ovannemnde retningslinjer er også opplyst på sjølve søknadsskjemaet om «Skjønsmessig vurdering»

Sjølve søknadene om skjønsmessig vurdering blir som hovudregel sendt inn samla frå den einskilde skule.

Rådgevarane i ungdomsskulen og i den vidaregåande skulen blir elles orienterte om dette punktet på rådgevarsamlingane som inntakskontoret skipar til i januar kvart år. Informasjon blir dessutan gitt på lokale utdanningsmesser og foreldremøte.